



Broj/ Број : 02/2-50-1-69-40/05
Sarajevo/ Сарајево : 05. 10. 2005.

Z A P I S N I K

40. sjednice Komisije za vanjsku i trgovinsku politiku Doma naroda Parlamentarne skupštine BiH održane 28. 9. 2005.

Četrdesetu sjednicu Komisije za vanjsku i trgovinsku politiku Doma naroda Parlamentarne skupštine Bosne i Hercegovine sazvaio je predsjedavajući Komisije Hasan Čengić.

Sjednici su prisustvovali sljedeći članovi Komisije: Hasan Čengić, Vinko Radovanović, Osman Brka, Velimir Jukić i Ruža Stojanović, kao i Nevenka Savić, sekretar Komisije i Aida Kreho, pripravnik-volonter. Anto Spajić bio je opravdano odsutan.

Osim navedenih, sjednici su, u svojstvu predstavnika predlagača, prisustvovali predstavnici Ministarstva komunikacija i prometa: Nikola Šego, sekretar ministarstva; Mirko Šekara, pomoćnik ministra i Kojo Koprivica, pomoćnik ministra.

Sjednicom je predsjedavao predsjedavajući Komisije Hasan Čengić. Nakon što je konstatirao da postoji kvorum, predsjedavajući Komisije je predložio sljedeći:

DNEVNI RED

1. Usvajanje Zapisnika sa 39. sjednice Komisije;
2. Prijedlog zakona o osnovama sigurnosti prometa na cestama u Bosni i Hercegovini – predlagač Vijeće ministara BiH;
3. Tekuća pitanja.

Dnevni red je jednoglasno usvojen.

Ad. 1. Usvajanje Zapisnika sa 39. sjednice Komisije

Zapisnik sa 39. sjednice Komisije jednoglasno je usvojen.

Ad. 2. Prijedlog zakona o osnovama sigurnosti prometa na cestama u Bosni i Hercegovini – predlagač Vijeće ministara BiH

O Prijedlogu zakona, kako o njegovom značaju, tako i o sadržini, u uvodu su govorili predstavnici predlagača i predsjedavajući Komisije. Predstavnici predlagača istakli su da je do sada bilo desetak zakona (entitetskih i kantonalnih) koji su regulirali ovu problematiku, te da odavno postoji potreba da se propisi harmoniziraju na cijeloj teritoriji Bosne i Hercegovine. Zakon je pripreman dugo, od 1996. godine. U pripremi su učestvovala sve institucije koje se bave ovom problematikom, održana je javna rasprava o Prijedlogu zakona, u obzir su uzeta iskustva drugih, posebno susjednih zemalja, kao i propisi Evropske unije. Prijedlog zakona predviđa nova rješenja u nekim oblastima u cilju unapređenja sigurnosti prometa, kao što su: vožnja pod svjetlima, dozvoljeni procenat alkohola u krvi, dodatna obuka vozača, širina kolovoza, parkiranje i zaustavljanje, dodatno obučavanje i polaganje vozačkog ispita, itd. Značajno je napomenuti da, i pored velikog broja amandmana, Prijedlog zakona ostaje isti u osnovnim principima i načelima.

Članovi Komisije jednoglasno su podržali principe i načela zakona.

Predsjedavajući Komisije je konstatirao da su amandmane na Prijedlog zakona uložili: Klub delegata hrvatskog naroda, delegati Hasan Čengić, Osman Brka i Velimir Jukić.

Zatim se prešlo na raspravu o amandmanima kako slijedi:

AMANDMAN I – delegat Hasan Čengić

U članu 1. iza riječi: “u pogledu sigurnosti saobraćaja” dodaju se riječi: “ na putevima, vođenje centralnog registra vozača i vozila”.

Amandman je jednoglasno usvojen.

AMANDMAN II – delegat Hasan Čengić

U članu 2. riječi: ”Organi institucija Bosne i Hercegovine, entitetski organi i organi Brčko Distrikta” zamjenjuju se riječima: ”Organi Bosne i Hercegovine, entitetski i kantonalni organi, organi Brčko Distrikta i”.

Amandman je jednoglasno usvojen.

AMANDMAN III – delegat Hasan Čengić

U članu 4. iza stava 3. dodaje se novi stav 4., koji glasi:

«U slučaju pretrpljene štete uslijed neodgovarajućeg održavanja javnih puteva povjerilac se namiruje u skladu sa zakonom o putevima».

Amandman je jednoglasno usvojen.

AMANDMAN I.- Klub delegata hrvatskog naroda

U članku 6. stavak 3.; članku 10. stavak 2.; članku 12. stavak 3.; članku 28. stavak 3.; članku 46. stavak 3.; članku 142a stavak 2.; članku 151. stavak 3.; članku 156. stavak 3.; članku 168. stavak 3.; članku 175. stavak 1.; članku 176. stavak 6.; članku 177. stavak 4.; članku 179. stavak 2.; članku 181. stavak 3.; članku 184. stavak 10.; članku 190. stavak 5.; članku 201. stavak 3.; članku 217.

stavak 4.; članku 229. stavak 4. i članku 284. stavak 1., riječi «ministar komunikacija i prometa BiH (u daljnjem tekstu: ministar) u suranji s tijelom mjerodavnim za» mijenja se i glasi «**ministar unutarnjih poslova županije, ministar unutarnjih poslova Republike Srpske i ovlašteni funkcioner u Brčko Distriktu BiH u suradnji s tijelom mjerodavnim za**».

Amandman nije usvojen.

AMANDMAN IV – delegat Hasan Čengić

U članu 9. vrše se sljedeće izmjene i dopune:

- u stavu 1. tačka 4) mijenja se i glasi : «**laki motocikl** je vozilo na motorni pogon sa dva ili tri točka, čija zapremina motora ne prelazi 125 cm³, a snaga ne prelazi 11 kW»;
- u stavu 1 u tački 11, riječi: »je red od tri ili više vozila«, zamjenjuju se riječima: «je niz od najmanje tri vozila (osim bicikla, traktora, radne mašine i zaprežnog vozila»;
- u stavu 1. u tački 14. riječ «istovremeno» briše se i na kraju teksta dodaju riječi: «čija najveća dozvoljena masa ne prelazi 3.500 kg »;
- u stavu 1. u tački 17. riječi: «međunarodni put i» i riječi: «entiteta i Brčko Distrikta» brišu se;
- u stavu 1. u tački 28. riječ «ili» zamjenjuje se riječju «i»;
- u stavu 1. u tački 30) broj «15» zamjenjuje se brojem «5»;
- u stavu 1. u tački 49. riječi: «entiteta i Brčko Distrikta» brišu se;
- u stavu 1. u tački 57. riječi: «prijevoz lica» zamjenjuju se riječima: «javni prijevoz putnika»;
- u stavu 1 u tački 59, na kraju teksta dodaju se riječi: »i čija snaga motora ne prelazi 15 kW».
- u članu 9. dodaju se nove tačke: 7.a), 9. a), 15.a), 15. b), 19 a), 21.a), 21.b), 30.a), 35.a), 36 a), 38.a), 39.a), 47.a), 49.a) i 63.a), koje glase:
 - «7.a) «**centralni registar**» je evidencija o svim vozačima i vozilima;
 - 9 a) «**inostrana vozačka dozvola**» je vozačka dozvola i međunarodna vozačka dozvola koju je izdao nadležni organ strane države;
 - 15 a) «**laki tricikl ili četverocikl** « je motorno vozilo sa tri odnosno četiri točka, koje na ravnoj cesti ne može razviti brzinu veću od 45 km/h, čija radna zapremina motora nije veća od 50ccm³ i ako njegova masa nije veća od 350 kg i čija snaga motora ne prelazi 4 kW;
 - 15.b) **licenca** je javna isprava koju je izdao nadležni organ i kojom se dokazuje ispunjavanje propisanih uslova i osposobljenost za obavljanje određenih poslova iz oblasti sigurnosti saobraćaja;
 - 19 a) «**međunarodna vozačka dozvola**» je javna isprava koju izdaje ovlaštena organizacija na osnovi nacionalne vozačke dozvole te države;
 - 21.a) «**motokultivator**» je vozilo na motorni pogon s jednom ili dvije osovine i pogonskim motorom do 12 kW, konstruisano da vuče, potiskuje ili nosi oruđa za razne poljoprivredne radove;
 - 21.b) «**mijenjanje saobraćajne trake**» je prelaženje vozilom iz jedne u drugu saobraćajnu traku za saobraćaj u istom smjeru radi prestrojavanja ili dozvoljenog bržeg kretanja;
 - 28.a) «**organ nadležan za**» je organ nadležan za određene poslove utvrđen ustavom i zakonom Bosne i Hercegovine, entiteta, kantona i Distrikta Brčko;
 - 30.a) «**pješačka zona**» je uređena saobraćajna površina namijenjena kretanju pješaka u kojoj je dozvoljeno kretanje motornih vozila s posebnim odobrenjem;
 - 35.a) «preglednost**» podrazumijeva prostor koji učesnik u cestovnom saobraćaju može vidjeti s mjesta na kojem se nalazi;
 - 36.a) «**saobraćajna dozvola**» je javna isprava koju je izdao nadležni organ i kojom se dokazuju vlasništvo određenog vozila, njegove tehničke i druge osobine i karakteristike;
 - 38.a)» **prestrojavanje**» je zauzimanje takvog položaja vozilom na saobraćajnoj traci i na takvoj udaljenosti od raskrsnice ili drugog mjesta na cesti iz kojeg se na siguran način može izvesti naredna dozvoljena radnja vozilom (skretanjem, okretanjem, zaustavljanjem i slično);
 - 39.a) «**saobraćajna traka za vozila javnog gradskog prijevoza**» je obilježeni uzdužni dio kolovoza, namijenjen za vozila javnog prijevoza putnika kad su u vozilu putnici;

47.a) «**radna mašina**» je vozilo na motorni pogon namijenjeno za izvođenje određenih radova vlastitim uređajima i opremom, koje po konstrukcionim osobinama ne može da razvije brzinu veću od 30 km na sat;

49.a) “**u saradnji s nadležnim organom**” znači da je organ koji donosi podzakonski akt obavezan da osigura učešće u izradi ili davanje mišljenja nadležnog organa o podzakonskom aktu;

63 a) «**vozačka dozvola**» je javna isprava koju je izdao nadležni državni organ i kojom se dokazuje pravo upravljanja određenom kategorijom ili vrstom vozila.

Amandman je jednoglasno usvojen.

AMANDMAN V – delegat Velimir Jukić

U članu 9. uvodi se novi podstav 3a) koji glasi:

«3a) «**bicikl sa motorom**» je vozilo na motorni pogon sa dva ili tri točka, čija radna zapremina motora nije veća od 50 ccm³ i koje na ravnoj cesti ne može razviti brzinu veću od 50 km na sat;»

Amandman je jednoglasno usvojen.

AMANDMAN VI – delegat Hasan Čengić

Iza člana 9. dodaje se novi član 9.a, koji glasi:

«S ciljem povećanja efikasnosti u provođenju ovog zakona i ispunjavanja uslova i obaveza na međunarodnom planu, državne institucije nadležne za vođenje centralnih evidencija uspostaviti će Centralni registar.

Organi koji vode evidencije dužni su da Centralnom registru redovno dostavljaju odgovarajuće podatke.

Odgovarajućim propisom bliže će se urediti vođenje i sadržaj Centralnog registra.»

Amandman je jednoglasno usvojen.

AMANDMAN VII – delegat Hasan Čengić

U članu 18. u stavu 3. vrše se sljedeće izmjene:

- riječi: «kulturno-historijske spomenike, spomen-obilježja i» brišu se,
- broj: «7» zamjenjuje se brojem «12» i
- broj: «5» zamjenjuje se brojem «10».

Amandman je jednoglasno usvojen.

AMANDMAN VIII – delegat Hasan Čengić

U članu 20. vrše se sljedeće izmjene i dopune:

- u stavu 1. riječi: «Nadležne institucije koje» zamjenjuju se riječima: «Nadležni organi koji»,
- u stavu 2. riječi: «Nadležna ministarstva» zamjenjuju se riječima: «Nadležni organi», a iza riječi: «dužna su» dodaju se riječi: «najmanje dva puta godišnje».

Amandman je jednoglasno usvojen.

AMANDMAN I. – delegat Osman Brka

U članu 25. stav 2. mijenja se i glasi:

«Ako učesnik u prometu ne postupi u skladu sa odredbom iz stava 1. ovog člana o njegovom trošku to će učiniti pravno ili fizičko lice kojem je povjereno održavanje ceste».

Amandman je povučen.

AMANDMAN IX – delegat Hasan Čengić

U članu 35. dodaje se novi stav, kao stav 3., koji glasi:

«Zabranjeno je otvaranje vrata na motornom vozilu na kolovozu kada je vozilo u kretanju ili mirovanju i u svim drugim slučajevima kada se može ugroziti sigurnost drugih učesnika u saobraćaju.»

Amandman je jednoglasno usvojen.

AMANDMAN X – delegat Hasan Čengić

U članu 41. u stavu 2. iza riječi «njega» stavlja se tačka, a riječi koje slijede brišu se.

Amandman je jednoglasno usvojen.

AMANDMAN XI – delegat Hasan Čengić

U članu 44. vrše se sljedeće izmjene i dopune:

- u stavu 2. iza riječi «vozila», u drugom redu, dodaju se riječi: «s ili bez uređaja s grafičkim ispisom brzine, datuma i vremena ili»;
- u stavu 3. iza riječi «radaru» stavlja se zarez, a riječi: «koji nemaju zapis» brišu se;
- iza stava 3. dodaje se novi stav 4., koji glasi: « U zapisnik koji se sačinjava na licu mjesta navodi se i izjava vozača o tome da li ima primjedbe ili ne na tekst zapisnika.»

Amandman je usvojen većinom glasova.

AMANDMAN XII – delegat Hasan Čengić

U članu 46. u stavu 2. riječi: «nadležna institucija ili druga institucija koja» zamjenjuju se riječima: «nadležni organ koji».

Amandman je jednoglasno usvojen.

AMANDMAN XIII – delegat Hasan Čengić

U članu 48. u stavu 1. tačka se zamjenjuje zarezom i dodaju riječi: «osim ako saobraćajnim znakom na cesti nije drugačije određeno».

Amandman je jednoglasno usvojen.

AMANDMAN XIV – delegat Hasan Čengić

U članu 69. u stavu 2. iza riječi: «dužan je da» dodaju se riječi: « obilježi sigurnosnim trokutom».

Amandman je jednoglasno usvojen.

AMANDMAN XV – delegat Hasan Čengić

U članu 72. u stavu 1. tački 10. iza riječi «obilježen» dodaju se riječi: «saobraćajnim znakom i».
U istom članu dodaje se nova tačka, koja glasi: «12.a) na kolovozu sa dvije saobraćajne trake gdje se saobraćaj odvija u oba smjera».

Amandman je jednoglasno usvojen.

AMANDMAN XVI – delegat Hasan Čengić

U članu 78. u stavu 1. riječi: «radnici nadležnog organa» zamjenjuju se riječima: «ovlaštena službena lica».

Amandman je jednoglasno usvojen.

AMANDMAN XVII – delegat Hasan Čengić

U članu 80. iza stava 3. dodaje se novi stav 4., koji glasi:
«Izuzetno od odredbe stava 3. ovog člana, vučenje drugog motornog vozila autoputem dozvoljeno je ako je razlog za vuču nastao za vrijeme kretanja motornog vozila autoputem, ali samo krajnjom desnom saobraćajnom trakom do prve priključne ceste kojom se vučeno vozilo može isključiti iz saobraćaja na autoputu.»

Amandman je jednoglasno usvojen.

AMANDMAN XVIII – delegat Hasan Čengić

U članu 84. u stavu 3. riječ «ručna» zamjenjuje se riječju «pomoćna».

Amandman je jednoglasno usvojen.

AMANDMAN XIX – delegat Hasan Čengić

U članu 89. u stavu 1. riječi: «svjetla za obilježavanje vozila ili» brišu se.

Amandman je jednoglasno usvojen.

AMANDMAN XX – delegat Hasan Čengić

U članu 98. dodaje se novi stav 1., koji glasi:
«Biciklom na kategorisanoj cesti smije upravljati lice koje je navršilo 12 godina, a biciklom s motorom lice koje je navršilo 14 godina.

Amandman je jednoglasno usvojen.

AMANDMAN I – delegat Velimir Jukić

U članu 98. u stavovima (2), (3), (4), (5) i (6) riječi «lakog motocikla» zamijeniti riječima «bicikla sa motorom».

U članu 98. u stavovima (2) i (4) iza riječi «bicikla sa motorom» dodati riječi «ukoliko je pokretan snagom vozača».

Amandman je jednoglasno usvojen.

AMANDMAN II – delegat Velimir Jukić

U članu 99. iza riječi «vozač bicikla,» dodati riječi «bicikla sa motorom».

Amandman je jednoglasno usvojen.

AMANDMAN III – delegat Velimir Jukić

U članu 100. iza riječi «vozač bicikla,» dodati riječi «bicikla sa motorom».

Amandman je jednoglasno usvojen.

AMANDMAN IV – delegat Velimir Jukić

U članu 101. iza riječi «vozač» dodati tekst «bicikla, bicikla sa motorom,».

Amandman je jednoglasno usvojen.

AMANDMAN II. – delegat Osman Brka

U članu 101. iza riječi «vozač» dodaje se riječ «bicikla».

Amandman je povučen.

AMANDMAN XXI – delegat Hasan Čengić

U članu 102 . dodaje se novi stav, kao stav 3., koji glasi:

«Lica koja se voze zaprežnim vozilom za vrijeme kretanja vozila ne smiju stajati na vozilu, sjediti na stranicama vozila, sjediti na platou vozila sa strane niti se nalaziti na rudi vozila u pokretu».

Amandman je jednoglasno usvojen.

AMANDMAN XXII delegat Hasan Čengić

U članu 106. u stavu 1. na kraju teksta stavlja se zarez i dodaju riječi: «tako da se kreću jedan iza drugog».

Amandman je jednoglasno usvojen.

AMANDMAN XXIII - delegat Hasan Čengić

U članu 108. u stavu 2. iza riječi: "pješaci mogu prelaziti kolovoz samo dok" dodaje se riječ "im".

Amandman je jednoglasno usvojen.

AMANDMAN XXIV - delegat Hasan Čengić

U članu 115. u stavu 1. iza riječi «pješaci» stavlja se zarez, a veznik «i» briše se.

Amandman je jednoglasno usvojen.

AMANDMAN XXV - delegat Hasan Čengić

U članu 117. stav 2. briše se.

Amandman je jednoglasno usvojen.

AMANDMAN XXVI - delegat Hasan Čengić

U članu 124. u stavu 2. iza riječi: « dužni su» dodaju se riječi: «ustupiti prvenstvo prolaza, omogućiti nesmetan prolaz, a po potrebi».

Amandman je jednoglasno usvojen.

AMANDMAN XXVII - delegat Hasan Čengić

U članu 136. u stavu 1. dodaje se nova tačka, koja glasi:

«3) žuto svjetlo može biti upaljeno kao trepćuće svjetlo kada ne rade ostali svjetlosni signali na raskrsnici.»

Amandman je jednoglasno usvojen.

AMANDMAN XXVIII - delegat Hasan Čengić

Iza člana 142. dodaje se novi podnaslov: «4.a Turistička i ostala signalizacija na cesti» i novi član 142.a, koji glasi:

«Član 142.a

Turistička i ostala signalizacija na cesti namijenjena je obavještavanju učesnika u saobraćaju o kulturnim, historijskim, prirodnim i turističkim znamenitostima, te ostalim objektima i sadržajima. Bliže propise o turističkoj i ostaloj signalizaciji na cestama donosi ministar, u saradnji s nadležnim organom.»

Amandman je jednoglasno usvojen.

AMANDMAN XXIX - delegat Hasan Čengić

U članu 144. u stavu 2. iza riječi «se» dodaje se riječ «posebnim».

Amandman je jednoglasno usvojen.

AMANDMAN XXX - delegat Hasan Čengić

U članu 156. stav 2. mijenja se i glasi:

«Vozač učesnik u saobraćajnoj nesreći obavezan je da prijavi i saobraćajnu nesreću s manjom materijalnom štetom, ukoliko je šteta nastala drugom licu odnosno njegovom vozilu ili na drugoj stvari.»

U istom članu u stavu 3. na kraju se dodaje rečenica koja glasi: «Vozači ne smiju napustiti mjesto saobraćajne nesreće prije nego što popune i potpišu izvještaj i razmijene podatke iz ovog stava».

Amandman je jednoglasno usvojen.

AMANDMAN XXXI - delegat Hasan Čengić

U članu 156. u stavu 1. iza riječi: «veća materijalna šteta» dodaju se riječi: «izvršiti fotografiranje mjesta nesreće».

U istom članu iza stava 3. dodaje se novi stav 4., koji glasi:

«Ukoliko je u saobraćajnoj nesreći učestvovalo vozilo strane registarske oznake, prije izdavanja potvrde o oštećenju vozila strane registracije ili potvrde o izvršenom uviđaju na mjestu događaja saobraćajne nesreće, obavezno je: izvršiti fotografiranje štete na vozilu stranih registarskih oznaka, sačiniti zapisnik u kome se, između ostalog, uzimaju podaci iz pasoša, vozačke dozvole i osiguranja od automobilske odgovornosti – zelena karta.»

Amandman je jednoglasno usvojen.

AMANDMAN XXXII - delegat Hasan Čengić

U članu 168. u stavu 1. riječi: «Nadležni ministar unutrašnjih poslova, u saglasnosti s nadležnim ministrom prometa» zamjenjuju se riječima: «Organ nadležan za unutrašnje poslove, u saglasnosti s organom nadležnim za promet».

Amandman je jednoglasno usvojen.

AMANDMAN XXXIII - delegat Hasan Čengić

U članu 170. u st. 1. riječ «samostalno» briše se.

Amandman je jednoglasno usvojen.

AMANDMAN XXXIV - delegat Hasan Čengić

U članu 171. iza riječi: «opojnih droga» dodaju se riječi: «ili drugih opojnih sredstava».

Amandman je jednoglasno usvojen.

AMANDMAN XXXV - delegat Hasan Čengić

U članu 172. vrše se sljedeće izmjene i dopune:

- U stavu 2. riječ: "sadržina", zamjenjuje se riječju "količina" u različitim padežima, a na kraju teksta riječi: "alkoholne poremećenosti", zamjenjuju se riječima: "poremećenosti izazvane djelovanjem alkohola"

- U stavu 3. riječi: «Ne smije uzimati alkoholna pića, niti početi upravljanje vozilom ako u organizmu ima alkohola ili ako pokazuje znake poremećenosti izazvane djelovanjem alkohola:» zamjenjuju se riječima: „Smatra se da su pod djelovanjem alkohola lica za koje se analizom krvi ili krvi i urina ili drugom metodom mjerenja količine alkohola u organizmu utvrdi da količina alkohola u krvi iznosi više od 0,0 g/kg, ili ako je prisustvo alkohola u organizmu utvrđeno odgovarajućim sredstvima ili aparatima za mjerenje alkoholiziranosti, što odgovara količinama većim od 0,0 g/kg, ili kod kojih se, bez obzira na količinu alkohola u krvi, stručnim pregledom utvrdi da pokazuju znake poremećenosti izazvane djelovanjem alkohola:“.

Amandman je usvojen većinom glasova.

AMANDMAN III. – delegat Osman Brka

U članu 172. stav 2. mijenja se broj «0,3» i glasi «0,0».

Amandman nije usvojen.

AMANDMAN XXXVI - delegat Hasan Čengić

U članu 174. vrše se sljedeće izmjene i dopune:

- stav 1. mijenja se i glasi: «Osposobljavanje kandidata za vozače motornih vozila je djelatnost od posebnog društvenog značaja, a obavlja se po posebnom programu koji obuhvata teoretski dio, praktični dio i program prve pomoći.»
- iza tačke 2. dodaje se nova tačka 3., koja glasi:
«Program prve pomoći obuhvata:
- ciljeve, zadatke i značaj prve pomoći;
- postupak radnji pri pružanju prve pomoći (mjere oživljavanja, prestanak disanja i rad srca, besvjesno stanje, krvarenje, otvorene povrede – rane);
- povrede koje zahtijevaju imobilizaciju i evakuaciju povrijeđenog;
- ostale povrede i oštećenja;
- značaj zdravstvene sposobnosti za sigurno upravljanje motornim vozilom.»

Amandman je usvojen većinom glasova.

AMANDMAN XXXVI - delegat Hasan Čengić

U članu 175. vrše se sljedeće izmjene:

- u stavu 1. riječi: «donose ministri entiteta i ministar Brčko Distrikta Bosne i Hercegovine, nadležni za obrazovanje i unutrašnje poslove» zamjenjuju se riječima: „donosi ministar, u saradnji s organima nadležnim za obrazovanje»,
- u stavu 4. riječi: «ministarstva entiteta i ministarstvo Brčko Distrikta Bosne i Hercegovine, nadležna za unutrašnje poslove i obrazovanje» zamjenjuju se riječima: «organi nadležni za obrazovanje i unutrašnje poslove».

Amandman je jednoglasno usvojen.

AMANDMAN II. - Klub delegata hrvatskog naroda

U članku 175. stavak 2. brišu se riječi «podučavanje kandidata za vozače obavljaju autoškole po ovlasti ministara entiteta, kantona i ministara Brčko-Distrikta BiH mjerodavnih za obrazovanje» a umjesto njih dodaju se riječi «osposobljavanje kandidata za vozače obavljaju autoškole koje ovlasti ministar unutarnjih poslova županije, RS-a i Brčko-Distrikta».

U članku 175. stavak 4. iza riječi «članka» treba dodati riječi «obavlja ministarstvo unutarnjih poslova županije, Republike Srpske i Brčko Distrikta BiH» a ostali dio teksta brisati.

Amandman nije usvojen.

AMANDMAN XXXVII - delegat Hasan Čengić

U članu 176. vrše se sljedeće izmjene i dopune:

- u stavu 4. riječ “vrši“ briše se;
- stav 6. mijenja se i glasi: „Bliže odredbe o organiziranju obuke za osposobljavanje kandidata pravilnikom propisuje ministar, u saradnji s organom nadležnim za obrazovanje, odnosno

bliže odredbe o pružanju prve pomoći licima povrijeđenim u saobraćanoj nesreći pravilnikom propisuje ministar, u saradnji s organom nadležnim za zdravstvo.“

Amandman je jednoglasno usvojen.

AMANDMAN XXXVII - delegat Hasan Čengić

Iza člana 176. dodaje se novi podnaslov koji glasi: «3. Vozački ispit i provjera osposobljenosti».

Amandman je jednoglasno usvojen.

AMANDMAN III. - Klub delegata hrvatskog naroda

U članku 176. stavak 1. iza riječi «prometa» dodati tekst «na cestama može obavljati licencirana osoba s višom ili visokom stručnom spremom pravnog ili prometnog smjera» a preostali dio teksta brisati.

Amandman je povučen.

AMANDMAN IV. - Klub delegata hrvatskog naroda

U članku 177. stavak 1. iza riječi «odgovorna su» dodati tekst «ministarstva unutarnjih poslova županija, Republike Srpske i Brčko Distrikta BiH» a preostali dio teksta brisati.

Amandman nije usvojen.

AMANDMAN XXXVIII - delegat Hasan Čengić

U članu 179. stav 1. tačka 1) riječi: «metodike obuke i praktičnog dijela za vozača-instruktor» zamjenjuju se riječima: «oblasti poznavanja saobraćajnih pravila i propisa, metodike upravljanja motornim vozilom i praktičnog upravljanja motornim vozilom za vozača-instruktor» i brišu se riječi: «unutrašnjih poslova», a tačka 2) mijenja se i glasi: «2) završenim V ili VI stepenom i položenim ispitom za vozača-instruktor, ili sa najmanje završenom srednjom školom i položenim ispitom za vozača-instruktor».

Amandman je jednoglasno usvojen.

AMANDMAN XXXIX - delegat Hasan Čengić

U članu 181. u stavu 2. iza riječi: "bijelom bojom napisano" dodati riječ "latinično".

Amandman je jednoglasno usvojen.

AMANDMAN XL - delegat Hasan Čengić

U članu 182. stav 2. tač. 2. i 3. mijenjaju se i glase:

- « 2. 18 godina za kategorije A, B, BE i podkategorije C1 i C1E;
- 3. kategorije C i CE, pod uslovom da je upravljalo motornim vozilom podkategorije C1 ili C1E najmanje jednu godinu;
- 4. kategorije D i DE i podkategorija D1 i D1E, pod uslovom da je upravljalo motornim vozilom kategorije C ili CE najmanje dvije godine.»

Amandman je jednoglasno usvojen.

AMANDMAN XLI - delegat Hasan Čengić

U članu 183. u stavu 3. iza riječi «prikolice» stavlja se zarez i dodaju riječi: «čija zapremina motora prelazi 125 cm³, a snaga prelazi 11 kW», u stavu 6. broj «3.500» zamjenjuje se brojem «7.500».

Amandman je jednoglasno usvojen.

AMANDMAN XLII - delegat Hasan Čengić

U članu 184. stav 2. riječi: «entiteta i Brčko Distrikta Bosne i Hercegovine» brišu se.

Amandman je jednoglasno usvojen.

AMANDMAN V. - Klub delegata hrvatskog naroda

Članak 184. stavak 2. mijenja se i glasi «vozačku dozvolu izdaje policijska uprava pri županijskim ministarstvima unutanjih poslova, u RS centri javne bezbjednosti i SJB, a u Brčko-Distriktu policija Distrikta na čijem području vozač ima prebivalište, odnosno na čijem području raseljena osoba ima boravište».

Amandman nije usvojen.

AMANDMAN XLIII - delegat Hasan Čengić

U članu 184. u stavu 7 riječ «moped», zamjenjuje se rječima: «laki motocikl», a u stavu 8. iza riječi «člana» dodaju se riječi: «mlađe od 23 godine».

Amandman je jednoglasno usvojen.

AMANDMAN XLIV - delegat Hasan Čengić

U članu 186. u stavu 2. riječi: «ovjeren prijevod strane vozačke dozvole na jednom od službenih jezika Bosne i Hercegovine» zamjenjuju se rječima: «domaću vozačku dozvolu izdatu u skladu s Bečkom konvencijom o cestovnom prijevozu».

Amandman je jednoglasno usvojen.

AMANDMAN XLV - delegat Hasan Čengić

U članu 187. stav 1. briše se.

Amandman je jednoglasno usvojen.

AMANDMAN XLVI - delegat Hasan Čengić

U članu 191. vrše se sljedeće izmjene i dopune:

- u stavu 1. na kraju teksta tačka se zamjenjuje zarezom i dodaju riječi: «i na osnovu toga dobije ljekarsko uvjerenje.»,
- u stavu 2. istog člana broj «šest» zamjenjuje se brojem «12».

Amandman je usvojen većinom glasova.

AMANDMAN VI. - Klub delegata hrvatskog naroda

Članak 192. stavak 2. mijenja se i glasi «zdravstvene preglede kandidata za vozače i vozača obavljaju zdravstvene ustanove koje su za to ovlaštene od strane ministarstva unutarnjih poslova županije, RS-a i Brčko-Distrikta BiH na prijedlog mjerodavnog ministarstva zdravstva».

Amandman nije usvojen.

AMANDMAN XLV - delegat Hasan Čengić

U članu 196. iza riječi: « u saradnji sa» brišu se riječi: «ministrima entiteta i ministrom Brčko Distrikta Bosne i Hercegovine nadležnim» i dodaju riječi: «organom nadležnim za zdravstvo».

Amandman je usvojen većinom glasova.

AMANDMAN VII. - Klub delegata hrvatskog naroda

Članak 196. mijenja se i glasi: «bliže odredbe o zdravstvenim uvjetima koje moraju ispunjavati vozači motornih vozila pravilnikom propisuje ministar zdravstva županija u F BiH, RS-a i Brčko-Distrikta BiH».

Amandman nije usvojen.

AMANDMAN XLVI - delegat Hasan Čengić

U članu 200. u stavu 2. iza riječi: «u saradnji sa» brišu se riječi: «entitetskim ministrima i ministrom Brčko Distrikta Bosne i Hercegovine nadležnim za promet i unutrašnje poslove» i zamjenjuju riječima: «organima nadležnim za zdravstvo i unutrašnje poslove».

Amandman je jednoglasno usvojen.

AMANDMAN XLVI - delegat Hasan Čengić

U članu 203. riječi: «donose ministri entiteta i ministar Brčko Distrikta Bosne i Hercegovine nadležni za poslove energetike i industrije» zamjenjuju se riječima: «organom nadležnim za poslove energetike i industrije».

Amandman je jednoglasno usvojen.

AMANDMAN XLVII - delegat Hasan Čengić

Iza člana 204. broj «5» u podnaslovu zamjenjuje se brojem «2».

Amandman je jednoglasno usvojen.

AMANDMAN XLVIII - delegat Hasan Čengić

U članu 209. u stavu 1. iza riječi «registraciji» brišu se riječi: «ili privremenu potvrdu o registraciji», a iza riječi: «izdatu za to vozilo» dodaju se riječi: «kao i policu obaveznog osiguranja,

a motorna i priključna vozila registrirana u stranoj zemlji i međunarodnu ispravu o osiguranju od automobilske odgovornosti koja važi na području BiH».

Amandman je jednoglasno usvojen.

AMANDMAN XLIX - delegat Hasan Čengić

U članu 211. iza stava 1. dodaje se novi stav 2., koji glasi: «Učešće vozila međunarodnih oružanih snaga stacioniranih u BiH u saobraćaju na cestama u BiH regulisat će se posebnim međunarodnim ugovorom».

Amandman je jednoglasno usvojen.

AMANDMAN L - delegat Hasan Čengić

U članu 213. u stavu 2. riječ «privremenoj» briše se.

Amandman je jednoglasno usvojen.

AMANDMAN LI - delegat Hasan Čengić

Član 214 mijenja se i glasi :

«Registraciju motornih vozila i priključnih vozila, te izdavanje registarskih tablica vrše organi nadležni za unutrašnje poslove.

Odredbe stava 1. ovog člana odnose se na vlasnike vozila koji imaju prebivalište ili sjedište, a raseljena lica boravište na teritoriji Bosne i Hercegovine.»

Amandman je jednoglasno usvojen.

AMANDMAN VIII. - Klub delegata hrvatskog naroda

Članak 217. stavak 2. mijenja se i glasi «odobrenje za rad i nadzor nad radom stanica za tehnički pregled motornih i priključnih vozila izdaju i nadzor provode ministarstva unutarnjih poslova županija u F BiH, RS-a i Brčko-Distriktu BiH».

Amandman nije usvojen.

AMANDMAN LII - delegat Hasan Čengić

U Članu 223.

- u stavu 2. umjesto riječi: « određuje se od jedan do tri», stavljaju se riječi: « je jedan i dva»;
- u stavu 5. umjesto riječi: «dvije godine», stavljaju se riječi «jedna godina», i umjesto riječi: «pet», stavlja se riječ «deset»;
- u stavu 8. umjesto riječi: «dvije godine», stavljaju se riječi «jedne godine»; umjesto riječi: «sedam», stavlja se riječ «petnaest»; umjesto riječi: «90 dana», staviti riječ «30 dana»;
- u stavu 10. umjesto riječi: «četiri godine», staviti riječi «dvije godine», umjesto riječi: «sedam», staviti riječ «petnaest», umjesto riječi: «180 dana», staviti riječ «60 dana».

Amandman je usvojen većinom glasova.

AMANDMAN LIII - delegat Hasan Čengić

U članu 224. stav 2. riječi: «od dana prve provjere» zamjenjuju se riječima: «od dana prethodne provjere».

Amandman je jednoglasno usvojen.

AMANDMAN LIV - delegat Hasan Čengić

U članu 224.

- u stavu 3. riječ: «šest», mijenja se u riječ «dva»;
- u stavu 4. umjesto riječi: «24», staviti riječ «12», a dio stava od riječi: «svi određeni kazneni bodovi...», do kraja rečenice, se briše.

Amandman je jednoglasno usvojen.

AMANDMAN LV - delegat Hasan Čengić

U članu 226. dodaje se novi stav, kao stav 3., koji glasi:

«Vozač odnosno vlasnik vozila isključenog iz saobraćaja odgovoran je za čuvanje vozila od krađe ili drugih nezakonitih radnji prema vozilu.»

Amandman je jednoglasno usvojen.

AMANDMAN LVI - delegat Hasan Čengić

U članu 230 vrše se sljedeće izmjene:

- u stavu 1. broj: «6.000» zamjenjuje se brojevima: «od 2.000 do 10.000», broj «3.000» zamjenjuje se brojevima: «od 1.000 do 5.000», a iza riječi: «fizičko lice» dodaju se riječi: «koje samostalno obavlja djelatnost»;
- u stavu 1. ispred tačke 1) dodaje se nova tačka 1), koja glasi: «ako ne održavaju javne puteve za siguran i nesmetan saobraćaj ili ne organiziraju i trajno kontrolišu stanje i održavanje javnih puteva, objekata, saobraćajne signalizacije i opreme na putevima (član 4.)»;
- u stavu 1. iza tačke 1) dodaje se nova tačka 1.a), koja glasi: «ako ne uspostavi Centralni registar i ako redovno ne dostavlja odgovarajuće podatke Centralnom registru (član 9.a);
- u stavu 2. broj: «1.000» zamjenjuje se brojevima «od 500 do 1.000».

Amandman je jednoglasno usvojen.

AMANDMAN LVII - delegat Hasan Čengić

U članu 231. vrše se sljedeće izmjene:

- u stavu 1. iza tačke 1) dodaje se nova tačka 1.a), koja glasi: «ako ne projektuje, izgrađuje, oprema i održava puteve tako da odgovaraju svojoj namjeni i sigurnosti saobraćaja (član 10. stav 1.), a ostale tačke mijenjaju se tako da tačka 1. postaje tačka 2.;

Amandman je jednoglasno usvojen.

AMANDMAN LVIII - delegat Hasan Čengić

U članu 231.

- u stavu 2. riječi: « od 600», mijenjuju se i glase:»od 100,00 KM do 300,00 KM»;
- u stavu 3. riječi: «od 600», mijenjaju se i glase:» od 100,00 KM do 300,00 KM»

- u stavu 4. riječi:» od 2.000», se mijenjaju i glase:» od 500,00 KM do 1.500,00 KM».

Amandman je usvojen većinom glasova.

AMANDMAN LIX - delegat Hasan Čengić

U članu 232. vrše se sljedeće izmjene:

- iza tačke 1. dodaju se nove tačke: 1.a), 1.b), 1.c) i 1.d), koje glase:
 - «1.a) ako ne postupi u skladu sa članom 19.»;
 - 1.b) ako ne poduzima praktične mjere radi otklanjanja određenih nedostataka na cesti, zbog kojih je cesta uzrok saobraćajnih nesreća (član 20. stav 1.);
 - 1.c) ako ne postupi u skladu sa članom 21.;
 - 1.d) ako ne postupi u skladu sa članom 22.»
- iza tačke 21. dodaje se nova točka 21.a), koja glasi: «21.a) ako vrši tehnički pregled suprotno odredbama člana 215.»

Amandman je usvojen većinom glasova.

AMANDMAN LX - delegat Hasan Čengić

U članu 232.

- u stavu 2. riječi:»od 1.500,00 KM», mijenjaju se i glase:» od 500,00 KM do 1.000,00 KM»,
- u stavu 3. riječi:» od 600,00 KM», mijenjaju se i glase:» od 100,00 KM do 300,00 KM»
- u stavu 4. riječi:» od 600,00 KM», mijenjaju se i glase:» od 100,00 KM do 300,00 KM».

Amandman je usvojen većinom glasova.

AMANDMAN IV. – delegat Osman Brka

Iza člana 232. dodaje se član 232a). koji glasi:

«Novčanom kaznom od 1000 do 5000 KM kazniće se za prekršaj:

1. vozač koji upravlja vozilom pod djelovanjem opojnih droga ili lijekova na kojima je označeno da se ne smiju upotrebljavati prije i za vrijeme vožnje (član 171.);
2. vozač koji upravlja ili počne da upravlja vozilom u prometu na cesti ili vozač-instruktor dok osposobljava kandidata za vozače u praktičnom upravljanju vozilom protivno odredbama člana 172.»

Amandman nije usvojen.

AMANDMAN V. – delegat Osman Brka

Član 233. stav 25. briše se.

Član 233. stav 26. briše se.

Amandman nije usvojen.

AMANDMAN LXI - delegat Hasan Čengić

U članu 233. vrše se sljedeće izmjene:

- u stavu 1. u tački 26. riječi: «suprotno odredbama člana 172.» zamjenjuju se riječima: « kod kojeg se utvrdi količina alkohola u krvi preko 1g/kg (član 172. stav 2.)»;
- iza tačke 29) dodaje se nova tačka 29.a), koja glasi: «vozač koji učestvuje u saobraćaju s neregistriranim vozilom (član 205.)»;
- u stavu 3. broj «1.200» zamjenjuje se brojevima: «od 800 do 1.600».

Amandman je usvojen većinom glasova.

AMANDMAN LXII - delegat Hasan Čengić

U članu 233.

- u stavu 1. riječi:» 200,00 KM do 700,00 KM», se mijenjaju i glase:» 100,00 Km do 300,00 KM»;
- u stavu 2. riječi:» od tri mjeseca do jedne godine», se mijenjaju i glase:» od jedan mjesec do četiri mjeseca»;
- u stavu 3. riječi:» neposredna opasnost za drugog učesnika u saobraćaju, ili prouzrokovana» se brišu, a riječi:» od 1200,00 KM», se mijenjaju i glase «od 300,00 KM do 1.000,00 KM», a riječ «od tri mjeseca do jedne godine»,se mijenjaju i glase:» od jednog mjeseca do šest mjeseci»;
- u stavu 4. umjesto riječi:» tri kaznena», stavljaju se riječi:»dva kaznena», a umjesto riječi:» dva kaznena», se stavljaju riječi: »jedan kazneni».

Amandman je usvojen većinom glasova.

AMANDMAN LXIII - delegat Hasan Čengić

U članu 234. vrše se sljedeće izmjene:

- u stavu 1. tačka 7. mijenja se i glasi: «vozač koji postupi suprotno članu 39.»;
- u stavu 1. iza tačke 24. dodaju se nove tačke 24.a) i 24.b), koje glase:
« 24.a) ako ne postupi prema odredbama člana 156. st. 2. i 3.,
24.b) vozač koji upravlja ili počne da upravlja vozilom u saobraćaju na cesti ili vozač-instruktor dok osposobljava kandidata za vozača u praktičnom upravljanju vozilom, kod kojeg se utvrdi količina alkohola u krvi više od 0,3 g/ kg do 1g/kg (član 172. stav 2.)».

Amandman je jednoglasno usvojen.

AMANDMAN LXIV - delegat Hasan Čengić

U članu 234.

- u stavu 1. umjesto riječi:»od 150,00 KM do 500,00 KM» se stavljaju riječi:» od 50,00 do 250,00 KM»;
- u stavu 2. riječi:» od 400,00 KM», se mijenjaju i glase:» od 100,00 do 300,00 KM», a umjesto riječi:» dva kaznena boda», se stavljaju i riječi:» jedan ili dva kaznena boda», a umjesto riječi:»od 30 dana do šest mjeseci», riječi:» do dva mjeseca»;
- u stavu 3. riječi:» dva kaznena», se mijenjaju i glase:»jedan ili dva kaznena».

Amandman je usvojen jednoglasno.

AMANDMAN LXV - delegat Hasan Čengić

U članu 235.

- u stavu 1. riječi: »od 100,00 KM» se mijenjaju i glase: »od 50,00 KM»;
- u stavu 2. riječi: » neposredna opasnost za drugog učesnika u saobraćaju ili prouzrokovana» se brišu, a riječi: «od 300,00 KM» mijenjaju se i glase: «od 50,00 KM do 200,00 KM», a riječi «dva kaznena» se mijenjaju i glase: »jedan ili dva kaznena»,
- u stavu 3. riječi:
«neposredna opasnost za drugog učesnika u saobraćaju ili prouzrokovana» se brišu, a riječi: «od 30 dana do tri mjeseca» se mijenjaju i glase: «do dva mjeseca».

Amandman je usvojen većinom glasova.

AMANDMAN X. - Klub delegata hrvatskog naroda

Prihodi ostvareni na osnovu naknada novčanih kazni propisani ovim zakonom pripadaju županiji, Republici Srpskoj i Distriktu Brčko BiH.

Amandman je povučen.

AMANDMAN IX. - Klub delegata hrvatskog naroda

235. stavak 1.; članku 236. stavak 1. i članku 237. stavak 1. iza riječi «prekršaj» dodati «na licu mjesta».

Amandman je preformuliran amandmanom na član 239.

AMANDMAN LXVI - delegat Hasan Čengić

U članu 236. u stavu 1. vrše se sljedeće izmjene:

- iza tačke 15. dodaje se nova tačka 15.a), koja glasi: «15.a) vozač motornog vozila koji pri vučenju drugog motornog vozila postupi suprotno članu 80. stav 4.»;
- tačka 32. briše se.

Amandman je usvojen većinom glasova.

AMANDMAN VI – delegat Velimir Jukić

U članu 236. u stavu 1. dodati tačku 22a) koja glasi:

«22a) vozači bicikla i bicikla sa motorom i lica koja se prevoze tim vozilom ako u saobraćaju na putu ne nose odgovarajuću zaštitnu kacigu za vrijeme vožnje (član 101.)».

U članu 236. u stavu 1. u takčama 20), 21) I 22) iza riječi «bicikla» staviti zarez i dodati riječi «bicikla sa motorom».

Amandman je jednoglasno usvojen.

AMANDMAN LXVII - delegat Hasan Čengić

U članu 236.

- u stavu 1. riječi:
«od 50,00 KM» se mijenjaju i glase: «20,00 KM».
- U stavu 2. riječi:
«neposredna opasnost za drugog učesnika u saobraćaju, ili prouzrokovana...» se brišu, a riječi: «od 300 KM» se mijenjaju i glase: «od 50,00 KM do 200,00 KM».
- U stavu 3. riječi:

«neposredna opasnost za drugog učesnika u saobraćaju, ili prouzrokovana..» se brišu, a riječi: «od 30 dana do tri mjeseca» se mijenjaju I glase: «do dva mjeseca».

Amandman je usvojen većinom glasova.

AMANDMAN LXVII - delegat Hasan Čengić

U članu 237. vrše se sljedeće izmjene:

- u stavu 1. u tački 22. riječi: «svjetla za obilježavanje vozila ili» brišu se;
- u stavu 1. u tački 25. riječi: «prilikom skretanja vozilom na bočnu cestu na čijem ulazu ne postoji obilježen pješački prijelaz» brišu se.

Amandman je jednoglasno usvojen.

AMANDMAN LXVIII - delegat Hasan Čengić

U članu 237.

- u stavu 1. riječi:
«30,00 KM» se mijenjaju i glasi: «10,00 KM».
- u stavu 2. riječi:
«neposredna opasnost za drugog učesnika u saobraćaju, ili prouzrokovana» se brišu, a riječi:
«od 200 KM» se mijenjaju i glasi: «50,00 KM do 150,00 KM»
- u stavu 3. riječi:
«neposredna opasnost za drugog učesnika u saobraćaju, ili prouzrokovana» se brišu a riječi:
«od 30 dana do dva mjeseca» se mijenjaju i glasi: «do dva mjeseca».

Amandman je usvojen većinom glasova.

AMANDMAN LXIX - delegat Hasan Čengić

Iza člana 237. dodaje se novi član 237 a), koji glasi:

“Svi prihodi nastali primjenom ovog zakona pripadaju nadležnim organima, u skladu sa članom 2. ovog zakona”.

Amandman je jednoglasno usvojen.

AMANDMAN LXX - delegat Hasan Čengić

U članu 238. iza riječi «vrše» dodaje se riječ «nadležni», iza riječi «organi» stavlja se tačka, a riječi: «nadležni prema zakonu entiteta i Brčko Distrikta Bosne i Hercegovine, osim ako ovim zakonom nije neposredno propisana nadležnost» brišu se.

Amandman je jednoglasno usvojen.

AMANDMAN LXXI - delegat Hasan Čengić

U članu 239. iza riječi «kazne» dodaju se riječi: «u iznosu do 50,00 KM na licu mjesta», a riječ «ili» zamjenjuje se riječju «odnosno».

Amandman je usvojen većinom glasova.

AMANDMAN LXII - delegat Hasan Čengić

U članu 243. u stavu 1. broj: "228", zamjenjuje se brojem: "233".

Amandman je jednoglasno usvojen.

AMANDMAN LXIII - delegat Hasan Čengić

U članu 243.

- u stavu 1. riječi:

«od jedne ni duži od dvije godine» se mijenjaju i glase: «od šest mjeseci do jedne godine».

Amandman je usvojen jednoglasno.

AMANDMAN LXIV - delegat Hasan Čengić

Iza člana 247. dodaje se novo poglavlje - XI.a VIJEĆE ZA SIGURNOST PROMETA - i novi član 247.a, koji glasi:

«Član 247.a

Radi unapređenja saobraćajno-obrazovnog rada, saobraćajne kulture i koordiniranja svih subjekata koji svojim djelovanjem mogu doprinijeti većoj sigurnosti saobraćaja osniva se Vijeće za sigurnost prometa (u daljnjem tekstu: Vijeće).

Sredstava za rad Vijeća osiguravaju se iz sredstava budžeta institucija Bosne i Hercegovine i međunarodnih obaveza Bosne i Hercegovine.

Članovi Vijeća imenuju se iz reda stručnjaka za oblast saobraćaja na putevima, nadležnih ministarstava i institucija koje upravljaju putevima.

Broj članova, način imenovanja predsjednika i članova Vijeća, kao i djelokrug rada uredit će se pravilnikom koji donosi ministar, uz saglasnost Vijeća ministara BiH.»

Amandman je jednoglasno usvojen.

AMANDMAN LXV - delegat Hasan Čengić

U članu 248. uvod stava 1. mijenja se i glasi: «Ovlašćuje se ministar da sam ili u saradnji s odgovarajućim nadležnim organom donese bliže propise o:». U istom stavu iza tačke 5. dodaje se nova tačka: «5.a o turističkoj i ostaloj signalizaciji na cesti (član 142.a)» i iza tačke 8. dodaje se nova tačka: «8.a o organiziranju obuke za osposobljavanje pružanja prve pomoći (član 176)».

Amandman je jednoglasno usvojen.

AMANDMAN LXVI - delegat Hasan Čengić

U okviru poglavlja XIII. PRIJELAZNE I ZAVRŠNE ODREDBE iza člana 248. dodaje se novi član 248.a), koji glasi:

«Osposobljavanje kandidata iz oblasti propisa o sigurnosti saobraćaja mogu do 1. januara 2008. godine obavljati licencirana lica sa višom školom saobraćajnog smjera, odnosno licencirana lica sa srednjom školom saobraćajnog smjera i iskustvom u osposobljavanju kandidata iz ove oblasti od najmanje pet godina, koja ispunjavaju uslove iz člana 176. stav 2. ovog zakona.»

Amandman je povučen.

AMANDMAN LXVII - delegat Hasan Čengić

Članovi 251. i 253. brišu se.

Amandman je jednoglasno usvojen.

AMANDMAN LXVIII – delegat Hasan Čengić

U članu 251.

- riječi: »stupanja na snagu«, se mijenjaju i glase: «primjene».

Amandman je povučen.

AMANDMAN LXIX - delegat Hasan Čengić

U članu 252. u st. 1. i 2. riječi: «Entiteti i Brčko Distrikt Bosne i Hercegovine» zamjenjuju se riječima: «Nadležni organi».

Amandman je jednoglasno usvojen.

AMANDMAN LXX - delegat Hasan Čengić

U članu 254. stav 1. mijenja se i glasi: «Ovaj zakon stupa na snagu osam dana od dana objavljivanja u 'Službenom glasniku BiH', a primjenjivat će se nakon šest mjeseci od dana stupanja na snagu».

Amandman je jednoglasno usvojen.

AMANDMAN LXXI - delegat Hasan Čengić

U članovima: 175. stav 3., 177. stav 1., 185. stav 3., 192., 196., 203., 217., 227., 239., 241., 243. i 248. iza riječi "entitetski" dodaje se riječ "kantonalni" u odgovarajućim padežima.

Amandman je jednoglasno usvojen.

AMANDMAN LXXII - delegat Hasan Čengić

U članovima: 6., 151., 156., 168., 184. stav 10., 190., 200., 201., 213., 217. i 229. iza riječi: «u saradnji sa» brišu se riječi: «entitetskim ministrima i ministrom Brčko Distrikta Bosne i Hercegovine nadležnim za promet i unutrašnje poslove» i dodaju riječi: «organom nadležnim za unutrašnje poslove».

Amandman je jednoglasno usvojen.

AMANDMAN LXXIII - delegat Hasan Čengić

U članovima: 10., 12., 28. i 46. riječi: «entitetskim ministrima i ministrom Brčko Distrikta Bosne i Hercegovine nadležnim za promet» zamjenjuju se riječima: «nadležnim organom».

Amandman je jednoglasno usvojen.

AMANDMAN LXXIV - delegat Hasan Čengić

U članovima: 175. stav 1., 177. stav 4., 179. stav 2. i 181. stav 3. riječi: «donose ministri entiteta i ministar Brčko Distrikta Bosne i Hercegovine nadležni za obrazovanje» zamjenjuju se, u odgovarajućim padežima, riječima: «donosi ministar, u saradnji s organom nadležnim za obrazovanje».

Amandman je jednoglasno usvojen.

AMANDMAN LXXV – delegat hasan Čengić

U cijelom tekstu Zakona riječi: «bicikl sa motorom» zamjenjuju se riječima: «laki motocikl».

Amandman je povučen.

3. Komisija je jednoglasno prihvatila tekst Prijedloga zakona sa usvojenim amandmanima, uz konstatiranje da je zakon neophodno donijeti, te predlaže Domu naroda Parlamentarne skupštine BiH njegovo usvajanje.

Ad. 3. Tekuća pitanja

Rasprava nije vođena.

Predsjedavajući Komisije
Hasan Čengić